

# ზელოვნება

№ 2,      ქუთაისი 1919 წ. გიორგოვისთვე.

2



ნინო ჩხეიძის ასული

მიხეილ ჭიაურელის ქანდაკება

ჟურნალ „ზელოვნება“-ს რედაქციის ფოტოგრაფია


ოქტომბერი  
 1919 წლის  
 2. XI. 1919.  
 ჟურნალი.



წინათქმა

დ. კლდიაშვილი  
 ვ. გაფრინდაშვილი  
 ს. ასლანიშვილი  
 გ. ლუჩიაშვილი  
 ნ. ლორთქიფანიძე  
 ლ. მეტრეველი  
 დ. ჩიანელი  
 ი. გრიშაშვილი  
 რ. გვეტაძე  
 შ. კარმელი  
 ნ. თუმანიშვილი  
 მ. შავარდნაძე  
 ლ. მაჭ.  
 შ.

ალ. ყაზბეგის „ელგუჯა“-ს შესახებ  
 მსახიობი  
 ნინო ჩხეიძის ასული  
 სამხატვრო ცხოვრება თფილისში  
 ალკიბიადესი  
 სულის აღსარება  
 საქართველოს მასკარადში  
 სველი სადამო  
 1. სინანული 2. პორტრეტი  
 ერთი დღე ტყეში  
 ლეონარდო—და—ვინჩი  
 ქუთაისის სამხატვრო საზოგადოება  
 დათიკო ლეჟავა  
 შ. არაგვისპირელი და ვ. ბარნოვი  
 მხატვრობა ლ. გუდიაშვილის, მ. ჭიაურელის, ნ. თუმანიშვილის.




ჭ უ თ ა ი ს ი

1919 წ. გიორგობისთვე.

ჟურნალი „ხელოვნება“, რომლის მეორე ნომერსაც ჩვენ ვაწვდით მკითხველებს, გაგარძელება არის ჟურნალ „თეატრი და მუსიკა“-სი. როგორც ჟურნალ „თეატრი და მუსიკა“-ს ფურცლებზე ვპირდებოდით მკითხველებს მიგვეწოდებინა მათთვის ხელოვნების ყველა დარგიდან მასალები და ჟურნალი ვიწრო გამომსახველი არ ყოფილიყო მხოლოდ მუსიკა და თეატრისა, სწორეთ ამ გარემოების მიხედვით შეცვლილია აგრეთვე ჟურნალის სახელწოდებაც.

ხელოვნება—აი ჩვენი ცხოვრების ის მნიშვნელოვანი დარგი, რომლის განვითარება და გაფურჩქვნა თავისუფალ საქართველოში ახლო მომავლის საქმედ მიაჩნია ჟურნალ „ხელოვნება“-ს.

ჩვენი თეატრი, მუსიკა, პოეზია, მხატვრობა-მოქანდაკეობა, რომელთაც უმთავრესათ ჩვენს სამშობლოში მხოლოდ ახლა ამ თავისუფლების ხანაში გაეხსნა გზა, უკვე განვითარების მკვიდრ ნიადაგზე დადგენ და რასაკვირველია ეს მტკიცეთ დადგმული ნაბიჯი მომავალში უფრო განმტკიცდება. ამის იმედებს გვაძლევს ჩვენ სამშობლოს ნორჩი თავისუფლება, წარსული ორი წელი, უმთავრესათ უკანასკნელი, როდესაც ჩვენ ვიხილეთ საქართველოს დამოუკიდებლობის წლის თავი—ეს სწორეთ ხელოვნების დღესასწაული თავის დიდებული სანახაობით. ამასთანავე გადავავლოთ თვალი ქართულ მუსიკის, მხატვრობა-მოქანდაკეობის, თეატრის და ახალ მწერლობის განვითარებას და ჩვენ ნათლათ დავინახავთ რომ ხელოვნების ისტორიაში ახალ-ახალი ფურცლები იწერება, რაიც დამამტკიცებელია ამ დარგში ჩვენი განვითარებისა.



## წევარღუნთა ვარჯიშობა სცადიღუნჳ

26 მაისობა თფილისში

ჟურნალ „ხელოვნება“-ს რედაქციის ფოტოგრაფია

ქართული ოპერები: ზ. ფალიაშვილის „აბესალომ და ეთერი“, დ. არაყიშვილის „თქმულება შოთა რუსთაველზე“, მ. ბალანჩივაძის „თამარ ცბიერი“—ეს ხომ ქართულ მუსიკის განვითარებაა, გავეროპიელებაა.

2 გადავხედოთ ჩვენს ნორჩ მხატვრობა-მოქანდაკეობას, რომელიც ქართველ მხატვართა გამოფენის სახით ვიხილეთ წელს თფილისში: გუდიაშვილი-კაკაბაძე, ფიროსმანაშვილი, თოიძე, ნიკოლაძე და სხვანი თავისი მხატვრობა-ქანდაკეობით განაპიონერები არ არიან ჩვენ ცხოვრებაში.

ავიღოთ მწერლობა, რომელიც ჯერ ჩვენ სავსებით არ გვიხილავს გამოუცემლობის გამო. რაც კი ხელთა გვაქვს, სახელდობრ გ. ტაბიძის „Grane aux fleurs artistiques“, კირჩხიბის გამოცემები „ახალი პოეზიის ანტოლოგია“, ვ. გაფრინდაშვილის „დაისები“ და მრავალი სხვა—ყოველივე ეს უფლებას გვაძლევს აღტაცებით ვიყურებოდეთ იმ კარგ მომავლისაკენ, როდესაც ხელოვნება ჩვენში უაღრეს აყვავებას მიადწევს და ჟურნალი „ხელოვნება“-ც რასაკვირველია, დასახულ მიზნების განსახორციელებლათ. მუდმივი დარაჯი იქნება ხელოვნების განვითარების გზაზე.

### ალ. ყაზბეგის „ელგუჯა“-ს შესახებ.

არა ერთხელ დამიპირებია გადმოცემა საზოგადოებისათვის თვით ალ. ყაზბეგის მიერ ჩემთვის ნათქვამი მისი მოთხრობის „ელგუჯას“ შესახებ. სურვილი დღემდე შესრულებელი დამირჩა. ვისაც ქართული ლიტერატურა უყვარს ვგონებ რომ ინტერესს მოკლებული არ იქნება ეს ნათქვამი.

აი რა მიაშობო ყაზბეგმა მისი ნაწარმოების შესახებ. „დროების“ ფელეტონში იწყებს ბეჭდვა მისი მოთხრობის „ელგუჯა“-სი. მოთხრობა იყო პაწია, მხოლოდ ის რაც შეადგენს ახლანდელ პირველ თავს და თავდებოდა ელგუჯას სიკვდილით, რომელს მოკლავს, სხვა მოხვევებთან ერთათ, გაგი ჩოფიკაშვილი და რუსის სალდათები ამიჯლეტენ ყველას და ნადირთა საგლეჯათ დაადებენ დაუმარხავად. აქ თავდება მოთხრობა. როცა ამის აწყობას უნდა შედგომოდენ სტამბაში, ასოთამწყობებმა აწყობაზე უარი სთქვეს და ერთი თავიანთი ამხანაგი გამოუჯზანეს სტამბიდან რედაქციაში ავტორს და შემოუთვალეს რომ მოთხრობას არ ამოვაწყობთო თუ რომ ელგუჯა ცოცხალი არ დარჩა და მის ვაჟაკობის ამბებს არ განაგრძობო.

1894—XXV—1919



ნინო ჩხეიძის ასული

უკანასკნელი სურათი გადაღებული მაისში 1919 წ.

მისაილოვის ფოტოგრაფია

ასოთამწყობები არ ურიგდებოდნენ ელგუჯას სიკვდილს, უარს ამბობდნენ ფელეტონის ამოწყობაზე და დაბეჯითებით მოთხოვნიდნენ რომ გამეგრძელებინა მისი ვაჟაკობის ამბებით მოთხრობა. თხოვნა ისეთი გულით იყო ნათქვამი რომ შეც გამიტაცაო და გამოგზავნილს უთხარი ფელეტონისათვის დასასრულის მაგივრათ მოეწერათ „გამეგრძელება იქნება“—ო და ამისათვის ცოტადნად შევეცვალე თავის ბოლო. პატარა სურათი გაიზარდა ვრცელ მოთხრობათ, რომელს ამ შემთხვევით წახალისებულები, გატაცებით ვწერდით. და ყაზბეგი სიყვარულით იხსენიებდა იმ ასოთამწყობებს და ამბობდა რომ მათ დამაწერინეს ჩემი ეს მოთხრობაო.

ერთ ხანს „ელგუჯა“ აკრძალული ნაწარმოები იყო. ცენზურამ ჯერ დართო ნება ცალკე გამოეცათ, მაგრამ როცა ნაწარმოები დაიბეჭდა, აიკინდა და გასასყიდლოთ უნდა გამოსულიყო, ცენზორმა გამოცემა დააკავა, აღარ გამოაშვებინა და წაიღო. ყაზბეგმა მოასწრო მხოლოდ რამდენიმე ეგზემპლიარის გადანახვა და ერთი ეგზემპლიარი მუდამ თან დაქონდა ნამალევად.

ერთხელ, მის ბათუმში ყოფნის დროს, შევესჩვილე რომ ვერსად ვერ ვიშოვე მისი „ელგუჯა“ რომ წამეკითხნა, მან მითხრა რომ გათხოვებ ჩემს ერთად ერთ გადარჩენილ ეგზემპლიარს, თუ პირობას მომცემ რომ მოთხრობას ღამით წაკითხავო — ეშინოდა არ წაერთმიათ. მეც რასაკვირველია სიტყვა მივეცი და ორი ღამე მისი კითხვით ვსტკებობდი თან და თან დაიმედებული რომ ვერავინ დამინახავდა მას ხელში, ვერ წამართმევდა და ვერ დამიკარგავდა მისი წაკითხვის საშვალეებას.

1919 წ. 12 ივლისი.

დავით კლდიაშვილი

## მ ს ა ხ ი ო ბ ი .

მწერალი, რეჟისორი, მაყურებელი და მსახიობი—აი ის კარიატიდები, რომლებსაც ეყრდნობა თეატრი, როგორც რთული ესთეტიური კოლექტივი. ამ ესკიზში მე ვილაპარაკებ მხოლოდ მსახიობზე, რადგანაც ის არის თეატრის ცენტრალური ფიგურა. ცნობილია, რომ უდიდესი დრამატურგები შექსპირი და მოლიერი მსახიობები იყვნენ, გოეტე და იბსენი ხელმძღვანელობდნენ თეატრს, როგორც რეჟისორები და ამნაირად სცენა დაკავშირებულია დრამატურგის შემოქმედებასთან. მსახიობი ჩემთვის არის დიდი პსიქოლოგიური და ესთეტიური პრობლემა, რადგანაც იმას უჭირავს ცხოვრების კარნავალში ადამიანთა შორის განსაკუთრებული ადგილი.

ჩვეულებრივი ადამიანი, არა მსახიობი იწვევს ინტერესს, როგორც განსაზღვრული პიროვნება. მსახიობი კი ყოველთვის ფენომენია და მისი დღევანდელი პორტრეტი მხოლოდ მასკაა.

მისი პიროვნება ჩვენს წარმოდგენაში დაკავშირებულია მრავალ გმირების პიროვნებასთან. ამ გმირების მასკები ფარავენ, ხანდახან ანადგურებენ მსახიობის პიროვნებას. უშუალო ინტერესი მსახიობის პიროვნებისადმი შეუძლებელია მაშინაც კი, როდესაც ის სცენის გარეშეა;—ის თითქოს განაგრძობს თამაშს, მისთვის ძნელია საკუთარი „მე“-ს დაბრუნება და მას მისჯილი აქვს მუდამ ატაროს უცხო მასკა. მისი დანიშნულება ხომ იმაშია, რომ უარი სთქვას თავის პიროვნებაზე, თავის პიროვნება გახადოს ფონად და ნიადაგად, რომელზედაც უნდა აღმოცენდეს სხვისი პიროვნება. მსახიობის „მე“ გაფანტულია: თუ დღეს ის მაკბეტია, ხვალ ლირი უნდა იყოს, ზევ ფაუსტი და ასე დაუსრულებლივ.

ქემმარტი მსახიობი გამლეტად უნდა გრძნობდეს თავს, რომელიც მთლიანობას მოკლებულია, რომლის აქტიორულ ბუნებაში ჭკუა და სიგიჟე მუდმივ ემეზობლებიან ერთმანეთს. ედმონდ კინი გამლეტის თამაშის დროს გადარია. მიხეილ



უმპოზიციონარი პულიტონ ბალანჩივაძე

ფრუბელი მთელი თავისი სიცოცხლე ოცნებობდა იმაზე რომ ეთამაშნა გამლეტის როლი. ამ როლს ის ცხოვრებაში ასრულებდა, სერაფიმებით და დემონებით გარ-  
შემორტყმული.

სხვისი პიროვნების მითვისება ხშირად საბედისწერო შედეგებს იწვევს. მსახიობი გამ-  
ლეტია აწა მარტო მაშინ, როდესაც ის ამ როლს თამაშობს, არამედ ყოველთვის,  
რადგანაც მსახიობი, როგორც გამლეტი ლალატობს თავის პიროვნებას და გაორე-  
ბას განიცდის. არა მარტო გაორებას - არამედ გასამებას და გაოთხებას, რადგანაც  
ის მრავალ როლებში გამოდის და მრავალ მასკებს ატარებს.

თეატრი ცხოვრებამ წარმოშვა და თეატრი ცხოვრების ანალოგია არის. ჩვენი ცხოვ-  
რება: უკანასკნელად თეატრია და ყოველი ჩვენგანი მსახიობი. თეატრი -- მასკარა-

თბილისი სიმღერა. ა. ბ. „თამარ ცბიერი“

პულიტონ ბალანჩივაძე

„ტირას სიმღერა“ მ. ბალანჩივაძის ოპერიდან „თამარ ცბიერი“  
ავტორის ფაქსიმილე

დია. მსახიობი, როგორც მუდმივი მასკა, თავის მოღვაწეობაში ანხორციელებს სინამდვილეს, როგორც სიმბოლოს. სიმბოლიზმის ფილოსოფია ენათესავება თეატრის ფილოსოფიას, რადგანაც ყოველი სიმბოლო არის სინამდვილის მასკა.

მსახიობი ქმნის ურიცხვ ორეულებს და სურს რომელიმე მათგანში გაანხორციელოს თავისი თავი. შეიძლება ეს არის მსახიობის პირველმყოფი მიზანი — რომ თავისი „მე“ უარყოს დროებით და შემდეგ ისევ აღადგინოს. მსახიობი უნდა იყოს აღფრთოვანებული იმედით, რომ ნახავს იმისთანა როლს, რომლისათვისაც მასკა არ დასჭირდება, რომელშიდაც ის გაუსწორდება თავის თავს.

მსახიობი რომ პოეტს შევადაროთ — უფრო გავიგებთ მის ელასტიურ პიროვნებას. როდესაც პოეტი ქმნის რომელიმე სახეს ის მსახიობია და რეჟისორიც, იმიტომ რომ პოეტს ერთ პიესაში გამოჰყავს მრავალი ტიპები, თითქოს სხვა და სხვა როლებს ასრულებს და განაგებს როგორც მთავარი რეჟისორი თავისი გმირების ბედობაზე. მაგრამ აქ განსხვავებაც არის. პოეტი მხოლოდ წარმოადგენს თავის ტიპებს, თავისუფალ ფანტაზიით ქმნის თავის ფანტომებს, მსახიობს კი არ შეუძლია შეცვალოს ტიპი და უნდა ჩამოაყალიბოს ის ნაკარნახევ პირობებში. რასაკვირველია მისი პიროვნება დააჩნდება როლს, საკუთარი ბეჭედით დადაღავს ამ როლს. ყურადსაღებია მომენტი მსახიობის პიროვნების გადასვლისა უცხო პიროვნებაში.

როგორ გამოჰყოფს მსახიობი საკუთარ „მე“-ს როლიდან, როგორ შეითვისებს უცხო ფსიქოლოგიას? აქ მსახიობს ეხმარება კოსტიუმი, აგრეთვე მსახიობის გარდაქმნას ხელს უწყობს დეკორაციები. მაგრამ შექსპირის დროს დეკორაციები არ ყოფილა და გრიმიც სავალდებულო არ არის მსახიობისათვის? აქ იგულისხმება სულიერი და არა ფორმალური გარდაქმნა. მსახიობი ეკითხება პიესის ავტორს: „თქვენ გმირს წაბლის ფერი თმა აქვს, თუ შავი?“ აქ უქვე იწყება მსახიობის შემოქმედება. სურს გაიგოს თმის ფერი, რომ შევიდეს სხვისი სულის ეკლიან ბურუსში. მსახიობმა უნდა აზვიადოს თავის სულში უცხო ტიპი, რატომ? რა არის მისთვის გეკუბა და რა არის ის გეკუბასათვის? ამ ძიებაში მსახიობი ნახულობს თავის თავს. აქტიურობა მით უფრო ძნელია და საპასუხისმგებლო, რამდენათ უფრო განათლებულია მსახიობი. ხშირად მსახიობი თუთიყუშია მხოლოდ, მაგრამ ძვირფასია მსახიობი, რომელიც სიმბოლიურად შეიგნებს თავის დანიშნულებას და უცხო მასკებში დაამტკიცებს საკუთარ „მე“-ს.

როდესაც მსახიობი დამაღავს თავის „მე“-ს, მაშინ ჩვენ ვამბობთ: — როლი კარგათ იყო შესრულებული. მსახიობი ქმნის თავის როლს და აქ ჩვენ ვხედავთ ბრძოლას — მისი პიროვნება არ ემორჩილება როლს და უკანასკნელად როლი იმარჯვებს პიროვნებაზე. როდესაც მსახიობი თამაშობს ოთარ ბეგს, დონკიხოტს, ან დოსტოევსკის იდიოტს, მან ყალბე უნდა დააყენოს თავისი სული. მსახიობისათვის საჭიროა თავის გამეტება, თავის დავიწყება. მსახიობი, რომელიც თამაშობს გამლეტს, ასრულებს საშინელ როლს: — აქ მსახიობის პიროვნება — მისი ჭკუა და ტემპერამენტი განსაყდელშია. მსახიობის წინ უფსკრულებია და რომელიმე მათგანმა შეიძლება კიდევ დაღუპოს იგი. ხელოვნება ღმერთია, რომელიც მოითხოვს მსხვერპლათ აღამიანის სიცოცხლეს.

რამოდენიმე წლის წინათ როზანოვმა-მეფისტოფელმა დაბეჭდა წერილი და ასკვირობდა თავის „უკვდავ ფელეტონში“ როგორ შეუძლია მსახიობს ანტრაქტის დროს პაპიროსი მოსწიოს და ამხანაგებთან იოხუნჯოს, როდესაც მან რამოდენიმე წუთის შემდეგ უნდა განაგრძოს თავის როლი.

ზოგიერთი მსახიობი სცენაზე გასვლის წინ პირჯვარს იწერს და გადის სცენაზე, როგორც ეზოფოტზე. მსახიობს ქურუმს თავისი პროფესია არ ეზარება, მაგრამ



მსახიობი ქალი მართ მღვიმის ასული  
 20 წლის სასცენო მოღვაწეობის გამო  
 მიხაილოვის ფოტოგრაფია

მსახიობი ალექსანდრე იმედაშვილი  
 ქართველ მსახიობთა კავშირის თავმჯდომარე და  
 ქუთაისის დრამატიულ დასის რეჟისორი  
 ფოტოგრაფია „ხელოვნება“

ის ხშირად სწყევლის თავის როლებს, თავის ყალბ ორეულებს და სწყურია იმათგან განთავისუფლება, იმიტომ რომ ადამიანი ყოველთვის მიზანი უნდა იყოს და არა საშვალეობა. "თუ მსახიობი რეჟისორის ან დრამატურგის საშვალეობაა — ამის უარყოფა შეუძლებელია (გორდონ კრეგი გვპირდება იდეალურ თეატრს, სადაც მსახიობებს შესცვლიან მარიონეტები), მაგრამ შეუძლებელია იმის უარყოფა, რომ ჩვენ ყველა საიდუმლო რეჟისორის განკარგულებაში ვართ. ყოველი ადამიანი არის გასპარ გაუზერი, რომელიც სიკვდილამდე თავის თავს დაედებს.

„ვინ შეგვახვედრებს, ვის უნდებვართ, ვინ მოგვიგონებს!“ (კოლაუ ნადირაძე). თეატრი არის ცხოვრების იდეალური მასკა. არავინ თავის თავს არ ეკუთვნის და ნუ იფიქრებს მსახიობი, რომ მხოლოდ ის არის იძულებული ილაპარაკოს სხვისი სიტყვით. ჩვენც მყოფნი სცენის გარეშე სხვის ბრძანებას ვასრულებთ და ყოველთვის იმარჯვებს აუცილებელი მოირა.

როლმა არ უნდა დაიმორჩილოს მსახიობი. ყველა მასკებიდან უნდა იყურებოდეს მსახიობის შეშინებული თვალები, მისი ხმა არ უნდა დაჩრდილოს გრიმმა. აქ ჩვენ წინ იშლება ნამდვილი „დუელი ორეულთან“, დუელი მსახიობის იმ პიროვნებასთან, რომელსაც ის აქანდაკებს. ამ დუელს ინტიმური ხასიათი აქვს და ის შეუმჩნეველია მაყურებელისათვის. ყოველი დიდი მსახიობი ქმნის თავის ოტელოს, რომელიც არა გავს არც შექსპირის, არც როსის და არც ოლრიდის ოტელოს, ყოველი როლი არის მასკა და თუ ეს ასეა მსახიობს შეუძლია ამხილოს თავისი „მე“ და შექმნას ახალი მასკა. აქ მსახიობის ინიციატივას ეშლება დიდი ასპარეზი შემოქმე-





ლარისა ქეთათელაძის ასული

ქეთაისის სამუსიკო სასწავლებლის  
როიალის კლასის მასწავლებელი  
ფოტოგრაფია „ხელოვნება“



„თეთრი ვახშავი“

ქართული დრამატული სტუდია თფილისში  
სხედან ასულნი გამრეკელის, ქიქოძის ალისა, ანჯაფა-  
რძის ვერიკო. დგანან ალექსი ზვილი, ლორთქიფანიძე,  
მეჯვია

კლარის ფოტოგრაფია

8

დებისათვის. თუ ის გაიგებს როლს როგორც სიმბოლოს და როგორც მასკას, მი-  
სი პიროვნება ამ როლის განმარტებაში და გახსნაში თავისუფალი იქნება. მსახიო-  
ბი უნდა შეხვდეს საკუთარ მასკით პიესას, რომელიც მას მასკებით ევლინება და  
მასკების საბედისწერო შეხვედრაში დაიბადება ნამდვილი გამლექტური ხელოვნება.  
მსახიობი ერთ და იმავე დროს ეკუთვნის სინამდვილეს და ოცნებას და მან თავის  
პიროვნებაში ამ ორი დასაწყისის ტრაგიული წინააღმდეგობა უნდა შეადულოს.  
მსახიობს შეუძლია მიმართოს თავის თავს ტიუტჩევის მონოლოგით

О, вѣщая душа моя

О, сердце полное тревоги,

О как ты бьешься на порогѣ

Как бы двойного бытія!

დადგება ღამე—მსახიობი შორდება სინამდვილეს და ემსახურება მასკებს. მისი პი-  
როვნება შუაზედ გაპობილი, ორ სამყაროს შუა ექანება, დაშორებული პირველს  
და მეორეს. ის უფსკრული, რომელიც არის ცხოვრების და სცენის შორის, ვერ  
ამოივსება, თუ მსახიობმა არ შეიგნო მთელი ცხოვრება, როგორც მასკარადი. მსა-  
ხიობმა უნდა შეიგნოს, რომ თეატრი და ცხოვრება ემორჩილებიან ერთ და იმავე  
კანონებს და მაშინ უფრო გაბედულათ ითამაშებს ის თავის როლებს, რომ შემდეგ-  
ში უარყოს ყველა როლები, დაამარცხოს ისინი და დაამტკიცოს თავისი „მე“, თავი-  
სი მასკა. თეატრი არის სიმბოლო და ამ სიმბოლოს მოციქულია მსახიობი. „ეფე-  
მერულ მასკარადში“ (ტიციან ტაბიძის თქმა) არ უნდა დაიკარგოს მსახიობი და  
ორეულებთან ღუელში უნდა ნახოს გამარჯვება მისმა უკვდავმა სულმა.

ვალერიან გაზრინდაშვილი.



### ნინო ჩხვიძის ასული

მაგდა („მამულ-დედული“)

მიხაილოვის ფოტოგრაფია

### ნინო ჩხვიძის ასული

(ბიოგრაფიული ცნობები).

ნინო ჩხვიძის ასული დაიბადა ქ. ქუთაისში 30 ენკენისთვის 1881 წელს. მამა მისი პლატონი ვეჭილი იყო, დედა ევგენია იმ დროში კარგ სცენის მოყვარეთ ითვლებოდა და მოხუცების როლებს ასრულებდა. იგი ნიკო ქორქაშვილის ქალი იყო. ნინომ ანბანი ეფემია და მისი დის ნინო მესხისაგან ისწავლა, რის შემდეგაც თვითონ სწავლობდა სახში და მრავალ წიგნებს კითხულობდა, თუ მივიდეთ მხედველობაში რომ მის დედას კარგი წიგნთსაცავი ჰქონდა. მამა ნინოსი წინააღმდეგი იყო ბავში გიმნაზიაში მიეცა, ასე რომ ნინოს არც ერთ სასწავლებელში არ უსწავ-



ნინო ჩიკაბაძის ასული

მარგარიტა გოტიე მოქ. V.

მიხაილოვის ფოტოგრაფია

ლია. ნინოს უფროსი და მარიამი თამაშობდა კოტე მესხთან და სახში მოჰქონდა როლები; ნინო ხალისით ამ როლებს ხშირად იზეპირებდა. ერთხელ როდესაც თეატრში იდგმებოდა „დამნაშავეს ოჯახი“, რომელშიც პატარა ქალის ემმას როლი უნდა მარიამს ეთამაშნა, უკანასკნელი ავით გახდა; მოთამაშე არავინ ჰყავდათ. კოტე მესხის ცოლმა ნატალიამ ურჩია რეჟისორს რათა ამ როლში გამოეყვანათ ნინო. ამ ამბავმა დასში დიდი სიტყლი გამოიწვია, მაგრამ რადგან მოთამაშე ვერავინ ნახეს, ამისათვის ნინოს ათამაშეს ემმას როლი ზემოთმოხსენებულ პიესაში. ეს იყო 1894 წელს გაზაფხულზე დიდ მარხვაში ლადო მესხიშვილის ბენეფისზე. ლადო იმ წელს ქუთაისში გასტროლებზე ჩამოვიდა. წარმოდგენის შემდეგ ლადო მესხიშვილმა განუცხადა თურმე იქ მყოფ მსახიობებს: „დაიხსომეთ ჩემი სიტყვა თუ ნინომ არ აჯობოს დედსაც და დასაც“.



პრინც მალაქინა შაჟურბაძის ასული  
თფილისის სახელმწიფო თეატრი

ამის შემდეგ მესხის ანტრეპრიზის დროს ნინომ ორჯელ-სამჯერ ითამაშა ყოფილ პავლიონში, რომელიც თეატრათ ითვლებოდა მაშინ და ამართული იყო აწინდელ ქალაქის შუაგულ ბაღში. ეს პავლიონი იმავე წელს დაიწვა; კოტე მესხი თფილისში გაემგზავრა, ქუთაისში მყოფ მსახიობებისაგან შესდგა ამხანაგობა, რომელიც მთელ ზაფხულს მუშაობდა. ამ ამხანაგობაში ნინოსაც მოუხდა გამოსვლა. ნინომაშინ 13 წლის იყო, შეხედულება კი უფრო ნაკლები ჰქონდა.

როდესაც დასმა დადგა დიუმას პიესა „ცოდვის შვილი“, სადაც მოთამაშეთ საჭირო იყო 13 წლის ქალი, პიესაში ეს წლოვანება შეასწორეს თერთმეტათ, რადგან ნინოს როგორც ვსთქვით მეტის შეხედულება არ ჰქონია. იმ გაზაფხულს იმდენათ დაიმსახურა სახელი ნინომ, რომ შემოდგომას თფილისის დრამატიულ საზოგადოებამ მიიწვია ის თფილისში, სადაც დასს რეჟისორობდა ლადო მესხიშვილი. იმ წელიწადს ნინო მხოლოდ უბრალო როლებში გამოდიოდა და უმთავრესათ ასრულებდა პატარა ქალების და ბიჭების როლებს. უმთავრეს როლებს იმ დროს ასრულებდა უკვე ხანში შესული ავალიშვილის ქალი; ეს გარემოება მაშინდელ პრესამაც კი აღნიშნა და მიუთითა ხელმძღვანელებს, რათა ასეთ როლებში გამოეყვანათ დასში მყოფი ახალგაზდა ძალები. სხვათა შორის აღსანიშნავია იმ წელიწადს დადგმული სუმბათაშვილის „ბორკილი“, რომელშიც ნინომ შეასრულა ანიკოს როლი.

მეორე წელს ნინო მუშაობდა უკვე ქუთაისში ისევ ლადო მესხიშვილის დასში, რის შემდეგაც რამოდენიმე წელი ზედიზედ სულ ქუთაისში თამაშობდა. სწორეთ ამ წლებში გამოდის ნინო მთავარ როლებში, ვინაიდან მესხიშვილს დასში დრამატიულ როლების მოთამაშე ქალი არ ყავდა. უმთავრესათ მაშინ იდგმებოდა კლასიკური პიესები და ნინოც თამაშობდა დეზდემონას, კორდელიას (მეფე ლირი) და სხ. მესხიშვილი პროვინციებში დადიოდა და ნინოც დასთან ერთად იყო ბაქოში, ბათუმში, ფოთში, სოხუმში, ყარსში და სხ. ამ ხანებში (1897 წ.) გამოვიდა ნინო პირველად „უბედურ ნაბიჯ“-ში და სწორედ ამ ხანიდან იწყება მისი დაწინაურება, მისი სახელის მოხვეჭა. ეს პიესა თავის ბენეფისზე დადგა მაშინ ვასო ბალან-

ჩვენამდე და ის დღე იყო აგრეთვე პირველი ბენეფისი ნინო ჩხეიძისა, ვინაიდან სწორედ ამ დღიდან ნინოს სახელი გამოჩენილ მსახიობთა შორის ჩაირიცხა.

სხვათაშორის აღსანიშნავია მაშინდელი განწყობილება ურთი ერთ შორის მთელ დასში და კერძოდ მთელ ამხანაგ-მსახიობებისა ნინოსადმი, რადგან თუ მივიღებთ მხედველობაში რომ ნინოს უკვე მამა აღარ ჰყავდა და სწორედ ამავე ხანებში ხელიდან გამოეცალა დედა და უფროსი და მარიაში. მამა მოუკვდა მას ორი წლით ადრე სანამ სცენაზე შევიდოდა, მაოლოდ დედა სცენაზე მუშაობის სამი წლის შემდეგ. დედის სიკვდილიდან ერთი წლის შემდეგ გარდაიცვალა მისი და მარიაში.

მშობლებისა და დის სიკვდილის შემდეგ ნინოს არავითარი სახსარი გააჩნდა და ამასთანავე მის ანაბარათ დარჩენ მასზედ უმცროსნი ორი და და ერთი ძმა. სასო-წარკვეთილებას არ მიეცა ნინო და ამასთანავე დასში ასეთი ძმური-მამობრივი განწყობილება ამხანაგების მისდამი ერთობ ახალისებდა მას და მომავლის იმედებით აღჭურვილი ის არ ჩამოსცილდა სცენას და უფრო ენერგიულათ განაგრძობდა მუშაობას. ამავე დროს ეკუთვნის მისი „ნორა“-ში პირველათ გამოსვლა. ეს იყო ახალი დიდი ნაბიჯი მის ს.სცენო მოღვაწეობაში. „ნორა“-მ უფრო მოუხვეჭა მას სახელი და დღესაც ამ როლში შეუდარებელია ნინო ჩხეიძის ასული.

12 დასში იმ წლებში (1902 - 3 წ.) მუშაობდა მსახიობი მიხ. ქორელი, რომელსაც ნინომ სიტყვა მისცა. ამის შემდეგ ჩვენ ვხვდავთ მიხ. ქორელს. ბაქოში, სადაც ის მასწავლებლობდა, მხოლოდ ნინო. ქუთაისის სცენაზე ათი წლის მუშაობის შემდეგ გადავიდა თფილისში, სადაც ის 1903 - 4 წლის სეზონში მიიწვიეს. რეჟისურა იმ წელს თფილისში მორიგეობით იყო ვასო აბაშიძის, კოტე მესხის და კოტე შათირიშვილის ხელში. თფილისში ნინო იკავებს უკვე თვალსაჩინო ადგილს, ის უკვე ერთად ერთი მსახიობია დრამატულ როლებში. ამავე წელს თავის ბენეფისზე ნინო თამაშობს მაგდას („მამულ-დედული“) როლს. ეს მისი მესამე მთავარი როლია, რომელიც ნინომ სავსებით გადმოგვცა და ისტორიულათ გახადა მაგდას პიროვნება.

შემდეგი 1904 - 5 წ. სეზონშიც ნინო კვლავ თფილისში მუშაობს. აქვე სამასწავლებლო ასპარეზზე იღწვის მიხ. ქორელი. 1904 წელს ენკენისთვის შუა რიცხვებში მათ ჯვარი დაიწერეს. 1905 - 6 წლის სეზონში ნინო ისევ მიიწვიეს იმავე დასში, მაგრამ 1905 - 6 წლის რევოლუციონურ მოძრაობების გამო 1905 წლის დამლევს მუშაობა დასისა შეწყდა. ნინო ჩხეიძის ასული ავთომყოფობის გამო თავის ქმრით ნოემბერში 1905 წ. გაემგზავრა საზღვარგარეთ და ხუთი თვის განმავლობაში ცხოვრობდა პარიზში. იქვე ეყოლა მას ქალი - მედეა. ავთომყოფობა რასაკვირველია ძლიერ უშლიდა მას ხელს, მაგრამ ნინომ მაინც ინახულა სარა ბერნარის და რეჟანის თეატრები. რეჟანის თეატრში ნინომ უყურა კომედიის გამოჩენილ მსახიობ კოკლენს, მხოლოდ სარა ბერნარის თეატრში ინახულა სარა ბერნარის მოადგილე ბლანშ დიუ ფრენი, თვითონ სარა ბერნარი კი იმ დროს თურმე ამერიკაში იმყოფებოდა. ბლანშ დიუ ფრენი თამაშობდა პიესა „Aiglon“-ში, ჩვენთვის ცნობილ პიესა „Орленок“-ი. ამ მსახიობს ნინოზე დიდი შთაბეჭდილება მოუხდენია, მისი თამაში ზედმიწევნით კარგი ყოფილა. „როგორც მაშინ ამბობდენ განსაკუთრებით ამ როლში ბლანშ დიუ ფრენი ბევრათ უკეთესი ყოფილა სარა ბერნარზე, რადგან სარა ბერნარი ამ როლს სავსებით არ ატარებს, ნაწყვეტებში კი შეუდარებელია, ბლანშ დიუ ფრენი კი მართლაც სავსებით მთელი პიესის მსვლელობაში ატარებს თავის როლს. ხომ არ მესმოდა თამაში, მაგრამ შთაბეჭდილება ისეთი იყო, რომ სულ კანკალმა ამიტანა და ძარღვებიც დაჭიმული მქონდაო“ - აი შთაბეჭდილება, რომელიც დასტოვა ნინოზე ბლანშ დიუ ფრენის თამაშმა.

1906 წ. მაისისათვის ნინო ჩხეიძის ასული თავის ქმარშვილით დაბრუნდა პარიზი-

დან თფილისს, სადაც მიხ. ქორელი გამოწვეული იყო მეცადინეობის და გამოცდების განახლების გამო სასწავლებლებში. ამ წლიდან სამი წლის სეზონის განმავლობაში, სახელდობრ 1906--7, 7--8 და 8--9.ს ნინო მუშაობდა თფილისში, მხოლოდ დროგამოშვებით ესტუმრებოდა ქუთაისსაც, სადაც იყო ლადო მესხიშვილის ანტრეპრიზა და ნინოს ვხედვთ ჩვენ პირველათ სუმბათაშვილის „ლალატ“-ში მოთამაშეს ზეინაბის როლში. ვის არ უნახავს ნინო ამ როლში, რომელი ქართველი არ ზიარებია მის თამაშს, ვინ არ აუტირებია ნინოს ზეინაბს. ზეინაბიც ერთი მოავარი სახეა, რომელსაც თავის შემოქმედებაში იძლევა ნინო ჩხეიძის ასული.

1909 წლიდან კი ნინო ჩხეიძე არ სცილდება ქუთაისის სცენას. 1909--10 წ. თამაშობს ნინო გუნიას რეჟისსობობით. აქ ნინო ქმნის ახალ-ახალ ისტორიულ სახეებს. მარგარიტა გოტიე, და ბეატრისა და სხ. ახალი სახეები ეს დამატება იმ მთელი სერაის შექმნილ ტიპებისა. უკანასკნელ 10 წლის განმავლობაში ნინო ჩხეიძის ასული დაულაღავათ ეწეოდა შრომას სასცენო მოღვაწეობის ასპარეზზე ქუთაისის ქართულ სცენაზე. და წელს როდესაც 25 წელიწადის იუბილე გადაუხადა მას მადლიერმა საზოგადოებამ, ნინომ ეს იუბილე მიიღო ისევე ქუთაისში. სადაც ის პირველათ ამ ოცდახუთი წლის წინათ გამოვიდა სასცენო ასპარეზზე და სცენას, სამშობლო თეატრს შესწირა თავი.

1918--1919 წლის სეზონში ნინო, ქუთაისის დრამატიულ საზოგადოების მიერ მოწვეული, თავისი ნაზი და მშვენიერი თამაშით კვლავ ატკობდა, მის თაყვანისმცემელ საზოგადოებას და დასუსტებული, ავთიმყოფი ის მაინც არ მოსცილდა უკანასკნელ წუთებში თავის საყვარელს სცენას. ახლა კი მას აუცილებლათ ესაჭიროება დასვენება, რათა ახლო მომავალში ნინომ ისევ გამხნეებულათ გადაგვიშალოს თვისი ნიჭი და გული და განახლებით დაულაღავათ ვიხილოთ ჩვენთვის საყვარელნი ზეინაბი, მარგარიტა გოტიე, მაგდა, მედეა, და ბეატრისა, ქეთევანი და სხვა სახეები, რომელნიც ნინოს განსახიერებაში მუდამ უკვდავნი იქნებიან.

13

სოსო ახლანიშვილი.


## მხატვრული ცხოვრება თფილისში

სურათების გამოფენა სამხატვრო სასწავლებელში. „სომეხ მხატვართა კავშირი“-ს გამოფენა. ქართველ მხატვართა სურათების გამოფენა. რუს მხატვართა გამოფენა „Малый крик“. აკვარელის გამოფენა.

მხატვრული ცხოვრება თფილისში ატოკდა სწრაფად. სულ ხუთი გამოფენა იყო მხატვრული ნაწარმოებებისა.

სურათების გამოფენა სამხატვრო სასწავლებელში პირველი მერცხალია ამ საგაზაფხულო სეზონის. მონაწილეობას იღებენ უმთავრესათ რუსი მხატვრები, აგრეთვე სომხებიც, როგორც ბაშინჯაგიანი და სხვ. თვით სკოლის მოწაფეებსაც აქვს აქ დათმობილი ადგილი. გამოფენის საერთო ხასიათი მეტად ყურადსაღებია, როგორც ისეთი მხატვართა ძიებანის მაჩვენებელი, როგორც არიან ფოგელი და სკლიფასოვსკი. აღსანიშნავია ფოგელის ძლიერი ფერადებიანი სურათი „მალარია“ და პეიზაჟები, სკლიფასოვსკის „მკვდარი ბუნება“.

ბაშინჯაგიანი მრავლათ არის გამოფენილი, უკავია მთელი კედელი დარბაზისა, რომელიც თვით წარმოადგენს უაღრეს ინტერესს, როგორც თფილისის წარსული საუკუნის ხელოვნების ნაშთი (არშაკუნის სახლი). ბაშინჯაგიანის სურათებს შორის არის მისი ახალი ნაწარმოები—ლტოლვილი სომხების გადასვლა თოვლიან მთებში. არის ამ გამოფენაზე ქართველი მხატვარიც გაბაშვილი,— მისი Nature morte-ები.




ჰიდელი ლადო გუდიაშვილის სურათებით

ქართველ მხატვართა სურათების გამოფენა თფილისში  
 ურნალ „ხელოვნება“-ს რედაქციის ფოტოგრაფია

14

„სომეხ მხატვართა კავშირი“. ამ სახელით რუსთა კლუბის შენობაში აპრილის დასაწყისში გაიხსნა გამოფენა განსაკუთრებით სომეხ მხატვართა სურათებისა. 350 ნომერში ყურადღებას იპყრობს ტექნიკის დამუშავებით და ღრმა გრძნობით სავსე ეგ. ტატევოსიანის და ტერლემეზიანის მზიანი სურათები. აღენიშნავ ოგანეზ ტატევოსიანის ნათელი და ფერად ლაქებიან სურათებს და სერგეი გოროდეცკის დი-ლეტანტურ, მაგრამ ყურადსაღებ ნახატებს თფილისის სხვა და სხვა კუთხისა. მრავალი მხატვრის სურათები ითქვიფება გამოფენის ერთფეროვნებაში. საერთო ერთ-ფეროვნებას აშუქებს და ძალას აძლევს სარჩიანის ოთხი სურათი. ქანდაკებიდან დავასახელებ გიურჯიანის „ქალის ბიუსტი“ და კაროს „ექ. გურკოს“.



ჰიდელი მამა-შვილის მღსუ და ორჯული თაბიბუძის სურათებით

ქართველ მხატვართა სურათების გამოფენა თფილისში

ქართველ მხატვართა სურათების გამოფენა. 4 მაისი — დღესასწაულია ქართულ მხატვრობისა: დიდების ტაძარში გაიხსნა ქართულ თანამედროვე მხატვრობის გამოფენა, მოწყობილი ქართველ მხატვართა საზოგადოების მიერ. ეს გამოფენა პირ-



ლადო გუდიაშვილი


თუთაი გიორგი

ქართველ მხატვართა სურათების გამოფენა თფილისში

ველია ჩვენს ცხოვრებაში. აქ თავმოყრილია თითქმის ყველა ქართველი მხატვრები. მონაწილეობენ 15 მხატვ., მათ შორის ოთხი ქალი. თუმცა მცირე რიცხოვანი (სულ 278 სურ.), იგი უაღრესათ საინტერესოა, როგორც მაჩვენებელი თითქმის ყველა დამახასიათებელ მიმართულებებისა თანამედროვე მხატვრობაში, დაწყებული აკადემიური ხასიათის სურათიდან (მრეველიშვილი), გათავებული ფუტურისტულ და კუბისტურ ნაწარმოებებით (კაკაბაძე: „ავტოპორტრეტი“ და „დაკრძალვა ივერეთში“, და გუდიაშვილის: „ჩემი ტფილისი“, „მერანი“ და „ავტოპორტრეტი“.). ამ საერთო ხასიათის გამოფენას მეტი მნიშვნელობა და ინტერესი ეძლევა შედარებით დანარჩენ ორ გამოფენასთან.

აქ ვხედავთ თფილისისათვის ცნობილ გაბაშვილს, პორტრეტისტს ჯორჯაძეს, სინათლე და ჩრდილის თამაშის მოტრფიალეს მოსე თოიძის მზიან სურათებს, რომელთა შორის უთაბეკდილებას სტოვეს „დედოფალი სააგარაკოთ“ და ორი სურათი „დარ-






### კუდილი დავით კავკაზაბის სურათაუზით

ქართველ მხატვართა სურათების გამოფენა თფილისში  
ჟურნალ „ხელოვნება“-ს რედაქციის ფოტოგრაფია

ბაზი“. შ. ქიქოძე წარმოდგენილია რამოდენიმე ნაწარმოებით, რომლებიდან კარგათ გამოიყურება ირ. წერეთლის პორტრეტი და პატარა ეტიუდი აჭარის მთებისა. სი-დამონ ერისთავი ხასიათდება თავისი „გიორგი სააკაძეთი“ და ძლიერი „წმიდა გიორ-გიით“. მრეწლიშვილმა გვაჩვენა დიდი სურათი ძლიერი გრძნობითა და განცდით სავსე — „კრწანისის შემდეგ“. აუცილებლათ წარუშლელ შთაბეჭდილებას სტოვებენ ვლ. გუდიაშვილი და დ. კაკაბაძე.


16



### კუთსე იაკობ ნიკოლაძის ძანდაკუჭისა, იქვე ზევით ღვთისმანიშვილის სურათით

ქართველ მხატვართა სურათების გამოფენა თფილისში  
ჟურნალ „ხელოვნება“-ს რედაქციის ფოტოგრაფია

პირველი — რომანტიკოსი, თავისებური სამყაროს მატარებელი თავის გულში, მომ-ღერალი ხაზებითა და ტანის ხვეულებით, მეორე — კლასიკი, რეალისტურ სახეების გამმარტივებელი, ფორმის გამომკედი. პირველი უადრესათ მუსიკალური, მუსიკოსი, მეორე — ხუროთ-მოძღვარი. პირველის ფერადებში ხედავთ ოცნებას, მეორესაში კი — საღი გონებისა და თვალის სიძლიერეს.



ვრელი ვალერიან სიღაძონ ერისთავის სურათებით მატრსნით და შალვა ძიძიძის  
სურათებით მატრსნით

ქართველ მხატვართა სურათების გამოფენა თფილისში

ჟურნალ „ხელოვნება“-ს რედაქციის ფოტოგრაფია.

აღვნიშნავთ გუდიაშვილის „ქალაქ გარეთ“, „ქეფი ძმა ბიჭებისა“, „პირიმზისა“, „ცისა-  
ნა“, „დღეობა“. პორტრეტებში ყურადსაღებია ნახევრათ კუბისტური „ავტოპორტ-  
რეტი“ და აგრეთვე ფანქრით ნახატები. დ. კაკაბაძე გვიჩვენებს იმერეთის სინტე-  
ტიურ სურათებს, ფოლადისებურ გამოქვედელ პორტრეტებს. ყურადსაღებია მეტად  
ძლიერი Nature morte და იმერეთის ეტიუდები და ფანქრით ნახატი „ძველი  
თფილისის“ სერია. ქ-ნ ს. ნიკოლაძის Nature Morte-ები (პასტელი) უნდა ჩაით-  
ვალოს ნამდვილ ხელოვნურ ნაწარმოებათ.

17

ნახია და ახალგაზდური ელ. ახვლედიანის ეტიუდები ზეთით. აღვნიშნავთ კიდევ  
ახალგაზდა ირ. თოიძეს, რომელიც ფერადების შეხამებით და კომპოზიციით ფანქ-  
რით ნახატებში ნათლათ გვაძველს, რომ მომავალში მას შეუძლია დიდ შე-  
დეგამდე მიაღწიოს.

თ. ბილანიშვილი და თ. თავაძე წარმოდგენილი არიან: პირველი—ორი ქანდაკე-  
ბით და მეორე—რამდენიმე ნახატით ფერადებით. ნიჭიერ მოქანდაკემ იაკობ ნიკო-  
ლაძემ გვიჩვენა მხოლოდ ნაწილი თავისი შემოქმედებისა. მაინც მრავალ ნაწარ-  
მოებს შორის, მშვენიერი „ქარი“ (ქვა), თ. ყ—ელის ბიუსტი (გაპსი), „ჩრდილოე-  
თის ასული“ (მარმარილო), დაუმთავრებელი „სალომე“ (მარმარილო) და პატარა  
„ხვესური“ (თიხა).

დასასრულ მოვიხსენიებთ სურათებს ნიკო ფიროსმანიშვილისას, ამ გულუბრყვილო  
და ძლიერი ნიჭის პატრონს. დავასახელებთ „ქეფს რთველის დროს“, „დღეობას“  
„ქორწილს კახეთში“, „ქეფს“, „ირემს“ და Nature Morte-ს.

მეოთხე სურათების გამოფენა „Малый Круг“-ი ამ მხატვრულ სეზონის დაბოლო-  
ვებაა. მონაწილეობენ უმთავრესათ რუსი მხატვრები.

აქ შეხედებით რუს მხატვრებს სუდეიკინს და სორინს. პირველის დეკორატიული „არ-  
ლეკინის ბალაგანი“ და „ვენეციელი მოზეიმენი“ საინტერესო არიან ფერადების  
და კომპოზიციის მხრივ. და საერთოდ მხატვრის დეკორატიულ მოხერხების გამომ-  
ჩენ „კარნავალით“ მხატვარი გვაჩვენებს თავის მხატვრობის ხასიათს—რეტროსპექ-  
ტივობას წარსულ ლუდოვიკების ხანას გაცოცხლებაში. ასეთივე ყაიდის არის მისი  
პატარა პეიზაჟები.

საერთო ცოდნის და ერთგვარი მხატვრული განვითარების ელფერით სუდეიკინს გვერდში უდგას სორინი თავისი პეიზაჟებით და ფანქრითა და სანგვინით ნახატი პორტრეტებით: ორლოვა, საზონოვი, ობოლენსკი და სხ.

გუდიაშვილი და ბაქბუჯ მელიქოვი სწევენ მხატვრობას სულ სხვა ფარდას. პირველის Nature morte-ი და მეორეს „ყავისფერი ქალი“ და სხვა ასეთები დიდი ძიების მაჩვენებელი არიან. გამარტივებულ და თავისებურ ფორმის ფარგლებში სჩანს მელიქოვის მუყაითი მუშაობა ფერადებზე.

ვალიშევსკის პორტრეტები ყურადსაღებია; მათ შორის ერთი ხნიერ ქალისა. სახელმწიფო თეატრის ფარდის ავტორის პორტრეტებში ემჩნევა ერთგვარი „ტეხვა“ და განზრახვი კარიკატურობა.

გამოფენაზე ვხედავთ აგრეთვე ევსეევს, ზალცმანს სუსტი Nature Morte-ებით, კარიკოვს, ლანსერეს, ტირს და სხვ.

სამხატვრო სკოლის შენობაში გაზაფხულის უკანასკნელ რიცხვებში გახსნილი იქნა „აკვარელი“-ს გამოფენა, რითაც დამთავრდა თფილისში საზაფხულო სამხატვრო სეზონი.

გიორგი ლუჩიაშვილი

18



კომპოზიტორი ალექსანდრე შიშკინი და  
სასკულმწიფო თეატრის კომპილსარი  
წუქუნავა

მიხ. კიაურელის ნახატი

ფოტოგრაფია „ხელოვნება“.



მომღერალი დავით ავთოვანი

ნიკო თუმანიშვილის ნახატი

# პროზა და ლექსები

## ა ლ კ ი ბ ი ა დ ე ს ი

აღკიბიადესი მოწყენილი იყო. გამვლელსა და გამომვლელს სსსაცილოდ იღებდა.

— მაგას ტყვილად დასცინი— შეეკამათა ერთი მეგობართაგანი — მაგი ჭკვიანი კაცია! გულის ამრევ დრამებს სწერს; ყურის შემაძრწუნებელ სიტყვებს ლაპარაკობს!.. ჩაიციხა აღკიბიადესმა.

— მთელი ათინა, მთელი საბერძნეთი ალაპარაკდება ხვალვე, თუ კი მოვინდომე — უპასუხა აღკიბიადესმა.

— შენზე ეხლაც ლაპარაკობს...

— რაზედაც მსურს — გააწყვეტინა აღკიბიადესმა.

— ასე იცი დაჩემება.

— აი ამ ძაღლზე, თუ მსურს დღესვე სოკრატეც ილაპარაკებს და ტერსიტესიც, ასპაზიაც და დიოკენტიც...

— სცდები!

— აი ვნახოთ! და აღკიბიადესი მიუახლოვდა მათხოვარს, რომელსაც კუდ-ჩამოვარდნილი, მუნიანი, წელში გაწყვეტილი ძაღლი ახლდა.

— მომყიდე ძაღლი, ოღონდ ბევრს ნუ მთხოვ.

— რაც გენებოს, ის მიბოძე.

— გეყოფა ათასი დრახმი?

მათხოვარი მიხვდა, რომ რაღაც არა-ჩვეულებრივი ხდებოდა და მონურად, მათხოვრულად მიმართა აღკიბიადესს:

— ნუ დამლუპავ! შენთვის რამდენიმე მინა\*) არაფერია, ულამაზესო და უბედნიერესო, მე კი... მე საწყალი ვარ.

— კარგი, ორი ათასი იყოს!

— ნუ დამჩაგრავ, ღმერთების საყვარელო, მაჩუქე კიდევ რამე.

— გადაუთვალე სამი ათასი. — უბრძანა მხლებელს აღკიბიადესმა.

მათხოვარი თხოვნიდან ვაჭრობაზე გადავიდა: იფიცებოდა, ამტკიცებდა, რომ ასეთს ძაღლს მთელს საბერძნეთში ვერ იშოვიდა ადამიანი; რომ მთელი იმედი მისი და მისის სამი ბრმა დისა, კუნტი დედისა და კეთროვანის ძმის ამ ძაღლში იყო; ბოლოს ყვირილიც კი მორთო, აღკიბიადესს არ ეკადრება ბეჩავი მათხოვარის სიღარიბით ისარგებლოს და ოხერ-ტიალს იაფად გამოარაუვას საქონელიო. ასეთი ვაჭრობა ჭეშმარიტად მეკობრეობაზე უარესიაო, ყვიროდა მათხოვარი.

აღკიბიადესი იდგა. გულში ეციხებოდა, მაგრამ არ იმჩნევდა. „ყოველი ბერძენი არტისტიაო“. — ჰფიქრობდა.

\*) ბერძნული ფულია; უდრის 100 დრახმას.

ხალხი შეგროვდა ერთი ღრიანცელი ასტყდა. ვიღამაც ხუმრობით, თუ გულ-წრფელად, ალკიბიადესზე მეტი ფასი შეაძლია ძაღლის პატრონს.

ბოლოს ძაღლი ალკიბიადესს დარჩა შეიდ-ათას დრახმად.

ჯერ კიდევ გზაზე ალკიბიადესს წამოეწია სოკრატესი. ბაასი გაჩაღდა. ძაღლი იყო უმთავრესი საგანი სჯა-კამათისა. დაწვრილებით, სამაგალითო ლოგიკურის მსჯელობით, გაარჩიეს სული ადამიანისა და სული ცხოველისა, განსაკუთრებით-კი ძაღლისა: სოკრატესმა ნათელზე უფრო ნათელი ჰყო. რომ სიღამაზეს, რომელიც ალკიბიადესში ჰსუფევს, უნდა მოსურვებოდა თან ჰყოლოდა სიმახინჯე, რომელიც განხორციელებულიყო ძაღლში; რომ უდიდესი მშვენიერება, ისე, როგორც უდიდესი სათნოებაც, თავის თავის მხოლოდ სრული წინააღმდეგობის ხილვითა და შესწავლით შეიგნების.

სახლში მოსულთ მხატვარი დახვდა და მოწიწებით ნება ითხოვა ძაღლის სურათის გადაღებისა.

შუა „ნადიმში“ რომ იყვნენ, მსახური შემოვიდა და მოახსენა ალკიბიადესს: „ასპაზია გთხოვთ დღეს საღამოს ეწვიოთ თქვენის ახლად შეძენილის ძაღლითა“.

— მოახსენე მშვენიერებისა და ჭეშმარიტების შემაერთებელს, სანამ არ დაბანდნენ და სურნელე: ას არ აცხებდნენ ვერ გავბედე, შეურაცხმყო შენი თვალითა შუქითქო, თორემ დილითვე მიწადოდა შემოსვლა; საღამოს ვეახლები.

ათინის მოკავშირე ქალაქში სახალხო ორატორი გაბოროტებული იძახდა: „ჩვენ, მოკავშირეები უკანასკნელს ობოლ ბავშვის მარჩენალ, თხასაც კი ვყიდით, რომ საერთო მოკავშირეთა ხაზინაში შევიტანოთ, ალკიბიადესი კი 7,000 დრახმას ერთს ძაღლში აძლევს...“

20 — „რომელიც შენზე უკეთესია უსათუოდ“ — ჩაუმატა ვიღაც არისტოკრატმა. „რითი აიხსნება ეს“ — განაგრძობდა ორატორი, — იმიტი, რომ ათინა ჩვენი ოფლითა და სისხლით იკვებება წურბელასავით“...

გავიდა რამოდენიმე თვე. ძაღლიც მიაფიწყდათ. ალკიბიადესი ისევ მოწყენილი იყო. ძაღლი ფეხთ უწვა და ეძინა მთელის ცხოვრებით დაღალულს, კვირაობით მშვიერს, დღიდან ალკიბიადესის სახლში მიყვანისა მუდამ ეძინა, თუ არ სჭამდა, ან თუ არ ბანდნენ. კარგის მოვლისა და ჭამისაგან თმა გაბრწყინვებოდა, გაზრდოდა; მურგვივით შეხვეული სასიამო შთაბეჭდილებას ახდენდა. „რა ნაირია ადამიანი? — ფიქრობდა ალკიბიადესი — ცუდს თითქოს გაუბრძნის, აძაგებს, სკდილობს მოსპოს ცუდი; ხსოვნით კი ცუდი უფრო ახსოვს, ვიდრე კარგი. ჰეროსტრატეს სახელი ყველას ენაზე აკერია, მაგრამ ვინ იკის იმ ხუროთ მოძღვრის სახელი, რომელმაც ტაძარი ააშენა? ოთხი-ხუთი პოეზიის მოტრფიალე თუ მოიგონებს არქილოზოსის სევდიან ელეგიებს; მისი სატირები კილიკამბის ქალებზე, რომელთაც ვერ გაუძღეს დაცინვას და თავი მოიკლეს, ყველას ახსოვს და ყველა ზეპირად ამბობს. ჩემის ცხოვრებიდანაც... მთელი საბერძნეთი ლაპარაკობდა ძაღლზე, რომელიც უღირაღ ფასად ვიყიდე, მაგრამ ვის ახსოვს, ვის მოაგონდება, რომ იმავე დღეს გავანთავისუფლე ათასი მწყერი, რომ დავმტკბარიყავ მათის სიხარულით. ვის ახსოვს, რომ ჩემს ერთს რჩევას გადაურჩენია ათინა განსაცდელისაგან“.

— დღესტაქარს უთხარი ამ ძაღლს სრულიად ძირში მოსჭრას კული! — უბრძანა ალკიბიადესმა მსახურს, რომელიც იქვე იდგა. როცა მსახურმა ძაღლი გაიყვანა, ალკიბიადესმა ბოროტად ჩაილაპარაკა:

— ისევ აყაყანდი, სულელო ბრბოვ!

## სულის აღსარება

ნარჟანს ნაცვლათ სალაშისა

I

აზრსა ჩემსას გარდაულახავს ყოველგვარი საზღვარი ადამიანთა შეთანხმებით გადავლებული.

სიკეთე და ბოროტი ღვიძლ ძმებათ უცენია ერთმანეთისა.

ცოდვა და მადლი ერთ ამბაზში მოუნათლია.

არ არის ცდუნება, დანაშაული ადამიანთა პირისაგან დევნილ-წყეული, რომ მას არ ეგრძნოს თავის მოკეთეთ, ხორცად და სისხლად. შეულახავს უწმიდესი ტაძარი ამა სოფლისა და ყოველგვარი წყევა-კრულვა სიამაყით მოუსმენია.

მაგრამ მარჯვენა ჩემი სუფთაა ყოველგვარი ბოროტებისაგან.

რადგან გული უმაღლესად ფაქიზია თვით ხელის სისუფთავეზედ.

მაგრამ ვხედავ, რომ გრძობათა სივრცეში უამრავის სახით დაბზინავს ერთი უკვდავი ჭეშმარიტება.

— ღალატი! ეს ხომ უერთგულესი შვილია თვით ღვთაებრივ გულისა?

და მწყურის ვავიციანო, ჩავიხარხარო, მაგრამ ვერავის თვალებს ვერა ვხედავ, არც თუ სარკე მაქვს... სევდის ფერსა ვგრძნობ ჩემ სახეში, საღაც ღუმილი სისწრაფითა ქსოვს თავის უცნაურ ბადეს საიდუმლო ზრახვათა შიგ გასახვევად.

რა უძრავი ყოფილა ღელვა სულისა!

მაშ გადაიღეთ ქანდაკება გაყინულის აზრისა!

II

ერთი ხმა მესმის არ ვიცი მტრისა თუ მეგობრისა. შეიძლება ჩემი გულის ხმაც იყოს:

21

— რატო არა ჰქსოვ ფერადოვან ზღაპართ სხვათა სასმენად?

ჩემი პასუხი კი შემგონი შემდეგია:

— მრავალი ზღაპარი დამიწყევია და ვერც ერთი კი ვერ დამიმთავრებია: ყოველი ზღაპრის ყოველ გმირად სულ ჩემი სახე წამოიჭრებოდა წინ. ავაზაკი იყო იგი თუ სიკეთის მთესველი, დაცემული თუ ზნე-ამაღლებული, ფუჭი თუ დიდ-ბუნებოვანი ყველას სურათი ჩემი თავიდან უნდა გამოემესახა.

მე კი ჩემი თავი, ჩემი ცოდნა, განცდა, ხილვანი საკმარისად არ მიმაჩნდა არცერთი ზღაპრის არცერთსა გმირად... ოჰ, ნეტავ ვიცოდე სხვებს როგორ ჰყოფნით თავიანთი თავი!

III

ვიცინი ვმსჯელობ ვკამათობ. დროს ვატარებ მეგობარ-ნაცნობებთან. მათ ჰგონიათ მე ვარ ნამდვილად ის, როგორც მხედავენ.

ეხლა შინავხივარ. შუა ღამეა. ჩემი სული გაშიშვლებულა და ხელებ-გაპყრობით, თითქოს ჯვარზედ გაკრული, დგას ჩემს წინაშე.

და მისი ჭკრეტით გონ-არეულს მწყურის ამოვშალო ყოველი ნაბიჯი დღისა სავალზედ გადადგმული და ნიავს მივსცე თავ-გამოდებული სიტყვანი ჩემნი.

ჟინი მაქვს დავბრუნდე ამ სიბნელეში და შევსძახო ყველა მათ, ვინც შემხვედრიან, რომ იგი თქმანი მე არ მეკუთვნიან!

მე არ მეკუთვნიან!

მე მაშინ ვეკუთვნი ჩემ თავს, ოდესაც შევსცქერი ჩემ სამოსელ შემოფლეთილ სულს, და მაშინ კი... უტყვი ვარ, უტყვი...

ოდესაც მრავალ თქმათა იერიშს ვგრძნობ ჩემს გულში, მაშინ ერთი სიტყვის მოწყვეტაც კი აღურიცხველ დანაკლისად მომეჩვენება. რათ? ვისთვის? რისთვის?

ვკითხულობ ამას, ვკითხულობ იმიტომ, რომ პასუხი წინადგე მაქვს მოსმენილი  
ამაოების სამეფოდან.

ოო, მეგობარო მეგობარო!

ერთო! და შენც დასაკარგად განმზადებულო!

რა მეზარება აბრეშუმის მხიარული ქსოვილი:

— იგი ჰპარავს ჩემი სულის სილამაზეს, მის ბროლობას,

რა მეზიზღება სამოსელი ხავერდის და ატლასისა:

— იგი ჰჩქმალავს ჩემი სულის სიმეხინჯეს, ავ-ზნეობას.

ოო, მეგობარო! ერთო! ერთო!

შენ რომ მაინც გრძნობდე — თუ როდის ვეკუთვნი მე ჩემ თავს — შემეყვარებდი მა  
შინ, ოდესაც გეზარები. და შემეზიზღებდი მაშინ, ოდესაც გიყვარვარ...

მე სული მეხუთება ნილაბ ქვეშ...

ნეტავ სხვები თავისუფლად როგორ სუნთქავენ?..

#### IV

ხშირად ისე ყრუ ვარ, რომ ხმა გარემოსი ველარა სწვდება ჩემი გულის პასუხს.  
მაგრამ ხმა სიყვარულისა მარადის მესმინება.

სიყვარული!

— განა მყვარებია ოდესმე!

— განა ყოფილა წამი, რომ არა მყვარებოდეს!

მაგრამ ყველაზე საშინელი ის არის:

— როცა ვიყვარს ვილაცა.

— და არც იცი... ვინ.

22 არ ვიცი...

არ ვიცი...

როცა ამას ვამხელ — ჩემი გულის სარკეს ვსწმენდავ მტვერსა სიფლიდისას და ვხე-  
დავ, რამდენიმე სახე მომჩერებია გაფითრებული...

მე მწყურის ხელებ-გაპყრობით, მუდარით გავეშურო ყველასთან:

ვეამბორო, ვანუგეშო, შევეფიცო...

და ვემზობი პირქვე და ჩავბლავი ჩემი სულის ქვესკნელს... წუთისოფლის უფსკრულს...

და ველოდები ნასროლ ქვას...

და ველოდები ნასროლ ქვებს... რომ უფრო ჩქარა შთავინთქე... მიუწლომელითა-  
სავანეში... მე ველოდები... რათ აგვიანებენ?

ნუ თუ ისეთი სასტიკი დამნაშავე ვარ, რომ... მაპატიეს!..

ოო, სიყვარულის ღმერთო! ჭაბუკთა ტაძარში წმიდათა-წმიდათ გაბრწყინვებულო!

მხოლოდ ეხლა უნდა გამხილო!

მხოლოდ ერთხელ უნდა გამხილო:

— არა გყავს მონა ჩემზედ ერთგული პირად ქვეყნისა...

— არა გყავს მოღალატე ჩემზედ კარგი პირად ქვეყნისა...

ვაჰ თუ ბევრმა გაიგო მეორე და პირველი ვერა!

ნეტავ სულ არ ესმოდეთ!

მაშინ უფრო მეტყველი იქნებოდა ენა ჩემი...

ეხლა კი... ვაჰ, რათ არ ძალმიძს ღუმილი, მარად ღუმილი...

#### V

მეტი აღარა მცალიან!

მხოლოდ ერთხელ კიდევ მოგიბრუნდები, მეგობარო ჩემო, რომ გამხილო უკა-  
ნასკნელი სიტყვა ჩემი:

შენა ხარ ის ადამიანი, რომელთანაც კიდევ შემიძლიან ერთი-ორი სიტყვის თქმა, ვიდრე სამარადისოდ დადუმდებოდენ ბაგენი ჩემნი.

შენ იყავ ის ერთად-ერთი გულითადი, რომელსაც კიდევ ვენდობოდი ცხოვრების გზათა სავალზედ. მაგრამ სწორედ შუა მოგზაურობის დროს დამეცა მეხი და შენს ფიცშიც შემეპარა ლალატი...

მე აღარ შემიძლიან!...

გამშორდი!

გამშორდი ჩემი სიყვარულის იქით!

მე შენაღრება მარტოდ სიარული ცხოვრების უდაბნოში... და თან მაჭრუოლებს...

მე ვფიქრობ აბრეშუმოვან თმებზე, ჟუჟუნა თვალებზე, მაგრამ მაინც ვკითხულობ: — ვინ მანუგეშებს?..

მე შესხება მარტოდ სიკვდილი...

შენ გასწი შორს, მეგობარო! აღარ მოიხედო ჩემსკენ! და თუ ჟამსა განკითხვისა აღმოამხდეს ძახილი შეველისა, არ მოიხედო!

არ მოიხედო!...

მე ვყვივი არა საშველად, არამედ — ჩემდა სავალალოდ, ჩემდა ვაგლახად, რომ მარტო ვშთენილვარ ამა სოფლად, თვით საფლავამდის...

არ მოიხედო!

თუ გიყვარვარ, დამტოვე მარტოდ!

ცხოვრებაში მე მიტომ შენატრებოდა მეგობარი, რომ სიკვდილის ჟამს დავეტოვე მარტოდ მარტო და ამითი ერთხელ მაინც აღვსულიყავ გოლგოთაზედ წამების უკანასკნელი წუთით სიცოცხლისა.

და განშორებული სიყვარულის მკლავებს... მოწყვეტილი ცხოვრებას... განდგომილი თვით მეგობრისაგან მაინც ვგმინავ დაკარგულივით:

— სადა ვარ? სად?..

ნუ თუ ეგრე ძნელია წუთი უკანასკნელი!

ნუ იქპირები უკან, მეგობარო! მე აღარ გიწოდებ!

ხელები გამომიპყრია, მაგრამ — ენა სდუმს და შენ მიიღევ ხელთა გაპმოყრობა ჩემი — შენდამი ვედრებად, უკანასკნელ ვედრებად:

გამშორდი!... გამშორდი!...

მაგრამ მაინც არა ვარ მარტო!

მოვიშორე ყველაზედ გულითადი მეგობარი,

და ვერ გავსცილდი ყველაზედ ვერაგ მტერს:...

ჩემი ფიქრები ისევ თან მსდევენ...

ოო, თავო ჩემო!..

თავო ჩემო!..

ლევ. მებრევილი.





## საქართველოს მასკარადში

ციკლი: „ქუთაისი ნიღბებით“.

ქუთაისის მასკარადში სამი გრანდიოზი ნიღაბი დაქრის.

ესენი მთელი ქუთაისის განხორციელებაა:

მისი სიბრძნის—სიცრუის, შეცნობების—ყბედობის, ხელოვნების—მასხრობის, მრეწველობის—ჯიბგრობის.

ესენი პირველები არიან და ქუთაისი, რომ ოფიციალური მასკარადი იყოს—პრიზებით, უსათუოდ ესენი პირვილ ჯილდოს მიიღებენ.

### პირველი ნიღაბი.

მას ყველგან ნახავდით:

ციხეში, ყაფანზე. ბაღში. სამიკიტნოში.

ნახავთ მოქეიფეს, მოჩხუბარს—მოლაპარაკეს.

ნახავთ ძალღობა კავლებით გარშემორტყმულს მშვიდს, სვედიანს.

შეიძლება თქვენ ის ნახეთ; მოქეიფე ორ ეტლში—ერთში მისი ქული დევს—მეორეში თვით უკულმაზის...

...ეს უწინ იყო..

დ. მაშინ ეს უვერტიურა იყო მისი ცხოვრების მეტამარფოზის და იგი მეორე დღეს, უსათუოდ, ციხის სკუმარი შეიქმნებოდა.

და ასე ისკვენებოდა მისი ცხოვრება. ახლა იგი თავისუფლად დაიარება ქუთაისის ქუჩებზე:

სერიოზული, საქმიანი..

იშვიათად ლაპარაკობს.

მე იგი ვნახე ერთს სამიკიტნოსთან გაიარა ვირით.. და როცა მას დვინო მიაწოდეს—იგი ვირს დააღვეინა.

სიცილი დაიწყეს.

შეიძლება ეს შემთხვევა დიდი სიმბოლო იყო ქუთაისისთვის...

მაგრამ სიცილით გადაატარეს...

### მეორე ნიღაბი.

მოწერილი ჯოხით, რომელზედაც ყოველნაირი წარწერაა:

ამ ჯოხით იგი თამამად მიაბიჯებს. მაშინ იგი ქუთაისის ანაკრეონია.

ყველას ჰკუთხს არიგებს: ყველაფერზე ლაპარაკობს ლექსობს, შაირობს. ყველას იგი სულელი გონია—მისთვის კი: მთელი ქუთაისი სულელთ გროვაა. ქუთაისი მას უყურებს და უხარია, რომ იგი მისი ნიღაბის ამოწურავა.

იგი ქუთაისის აღფრთოვანება,

მისი სიტყვაწყობილი შაირი.

ის ქუთაისის გრძელი ენაა.

მისი ჯოხი—ქუთაისის ჰკუთხის სიმდიდრე.

მას მთელი ქუთაისი ეცინის, მაგრამ თვის ჰკუთხს მას აძლევს. და მან ქუთაისის „ბრძენთა ჰკუთხ“,

ერთ ჯოხზე მონოგრამებით რომ ვერ დაატია—მეორეზე გადაიტანა.

### მესამე ნიღაბი.

„ორი შაური.. სამი შაური.. გექნებათ მასესხეთ“.

ხშირად გაიგონებთ..

და ეს ხომ მთელი ქუთაისის ამოძახილია, სადაც ყველა—და ყველაფერს სესხულობენ და უკან არასოდეს არ აბრუნებენ.

„სამი შაური გექნებათ, მასესხეთ“ და გვერდს ჩაგირბენს..

ქუთაისის უხარია ეს და იცინის..

სიამოვნებით აძლევენ: ზოგს გონია ამით საკუთარ ვალს იხდის, ზოგს: მეტი არ თხოვნ...

ვინ არიან ეს ნიღაბები:

პირველი—ლადო.

მეორე—სიმონ ჯღამაძე.

მესამე—ალფეზა.

პირველმა—ქუთაისის შეზარხოშებული ჰკუთხ ვირს დააღვეინა.

მეორემ—ქუთაისის სიბრძნე მონოგრამებით ჯოხებზე გადაიტანა.

მესამემ—ორ-სამ შაურობით ისესხა და ზურგზე მოიკიდა.

ქუთაისის—კი უფლება მისცეს სიცილის, მაგრამ ვინ—ვის ეცინის, ეს ჯერ კიდევ ნიღბით დაიარება.

დია ჩიანელი..



## მკოსანი იოსებ გრიჭაშვილი

უკანასკნელი სურათი

კოზაკის ფოტოგრაფია

25

### სმელი სლამო

სველი სალამო ზენს ნესტიან თვლებს მაგონებს.  
დავწვები ჩუმაღ და დაუცდი მზის ქალბატონებს.  
ვით ცრემლი წამწამს—ცამ ბალახებს აჰყარა ხაო.  
ეთ შენი თვალი—ეს ტყეც გახდა ღვთის სამრეცხაო.  
სველი სალამო ძილს მგოსნისას უფრო ატკბილებს.  
დავწვები ჩუმაღ და ვიხილავ მთვარის თეთრ კბილებს.  
ნერვის სიკლექე მიმიყუჩდა ძარღვებში ოდნავ.  
დავწვები და მეც მომბეზრდება ყველაფრის ცოდნა.  
ძვირფასო! მახსოვს, ზენც სტიროდი როცა წახველი.  
და მე კი დღესაც, მე, მყობადის გადამლაზველი,  
მერვედ ვიგონებ ამ სალამოს, ამ ნაძვებს, ამ თვეს,  
მერვედ, ძვირფასო, რაც ეგ თავი მერვედ წამართვეს.  
მე ვფართხალებდი, ვით საფანტით შემკრთალი ჩიტი—  
შენ კი წამწამებს გიმძიმებდა თვალ-მარგალიტი.  
წვებოდა ნისლი, ნისლი მთების შესამოსველი  
და ჩვენს თვლებში იზრდებოდა სალამო სველი.

ი. გრიჭაშვილი.

წაღვერი.

12 სექტ. 19 წ.

## ს ი ნ ა ნ უ ლ ი.

გამაცვენეს. ხელი მას ქონდა ვით ლადარი.  
და შემდეგ ვერ ვნახე, ვერ შევხვდით ერთმანეთს.  
მარტოა, თუ სხვასთან, არვიცი სად არი.  
ქუჩაში მათხოვარს ვაჩუქებ ერთ მანეთს.

შუაღღა. მსურს ვნახო. მივდივარ მის სახლან.  
ფანჯრები ღიაა, არა აქვს ფარდები.  
შევხედავ, ოთახში თამაშობს თეთრ ძაღლთან.  
და, კარებს გაღაღებ. ხელში მაქვს ვარდები.

გამოდის. არ ეცვა არც კაბა, არც წინდა.  
დარცხვენით ძლივს მკითხავს: ვინ გნებავს! ვინ გინდა?

ვკანკალებ. რა უთხრა!—ამის ფიქრს უნდები.  
და უხმოთ, გალახულ ბავშვივით ვბრუნდები.

ღამდება. მარტო ვარ. არაყით დავთვრები.  
ქუჩაში მეძავი ჩემს ხელებს ემთხვევა.  
მპატივობს. მიეყვები. მერევა დავთრები...  
ვშორდები... მალონებს ასეთი შემთხვევა.

და ვდარდობ. ვფითრდები, ვით ყანგით ზარადი.  
ო, ღმერთო ძლიერო! წმინდაო მარიამ!—  
მომეცი სიმხნევე, სიმშვიდე მარადი,—  
ასეთი ცოდვილნი მრავალნი არიან.

26

## ბ ო რ ტ რ ე ტ ი.

(სონეტი).

ვით მონაზონი დაიარება,  
ჭრელი თვალებით ყველას იმონებს.  
ალარ წამს ღმერთი, არც ზიარება.  
უბეში მალაეს მორცხვათ ღიმონებს.

სანატრელ წარსულს ხშირათ იკონებს.  
უმძიმს სურვილის აღიარება.  
ღამე ბალიშებს ვნებით იკონებს,—  
შავგვრემანს ჰშვენის სახის არევა.

სქელ სარკის ნატებს ჯიბით ატარებს.  
გამოდის ბაღში მუდამ ნაწირვებს.  
ერთი შეხედვით ევნებს გადარევს.

ო! მისი ხმა გავს წყნარ თარის ღუღუნს.  
როცა სევდა ძლევს სურდო ნაჭირვებს,—  
ვით მამაკაცი ეწევა თუთუნს.

კაჟღენ გვეტაძე.

## მართი დღე ტყეში

1. პოეტი მეფე, პოეტი ბავში,  
გამიყოლიე დაბინდულ გზაზე.  
მე მკლავი მქონდა შენს სურნელ მკლავში.  
ვფიქრობდი ჩუმად. ვინ იცის რაზე!  
  
ხეებს ჩაექრო მთვარე ბურთული.  
მე კვლავ მესმოდა სონატა მთვარის.  
მაგ თვალთ სისოვლე, თმა დაბურდული,—  
ჩემ ცოდვილ ბაგის, ხელების არის!  
  
იყო შრიალი, ფოთოლთა თქეში.  
გრიგალმა ხმებიც გაიტენორა.  
ვიყავით სტუმრად ერთი დღე ტყეში:—  
მე და ლენორა, მე და ლენორა!..
2. ზღაპრული თვალი ვიცი ჯადოა  
და ჩავიძირე მეც შენს ჯადოში.  
ახლა ტყე ჩვენთვის ელდორადოა,—  
უნდა ვიცხოვროთ ელდორადოში.  
  
და ტყის კარვები ჩვენთვის მწვანდება:  
ნაზი, სპეტაკი, თავშენაბელი.  
მაგრამ ხეებზე რად მელანდება  
ყელსახვევების უცხო საბელი?!  
  
ახ საჩობელა! ყვითელ ნეშოზე  
პოეტის კუბოს ვხედავ ზმანებით...  
შენს ხელის ნაცვლად უნუგეშოზე,  
მე გტირი ცისფერ ხელთათმანებით!
3. მშვიდობით! გსტოვებ! მივდივარ მთაში!  
დიდ შუადღისას მე ავალ მთაზე.  
შენ სად იქნები ლენორა მაშინ?—  
რისთვის არ ვიცი, ახ რისთვის, რაზე!..  
  
ჯვარს გადაიწერ ნორჩ თავხურათი,  
თუ დაგეჭდობა მშვიდათ მკლავებში?!  
მე ვიცი მხოლოდ ერთი სურათი—  
პოეტის სულში ნასაფლავები!  
  
როს მზე ამოვა მაღალ გორასთან,  
ის იტყვის ალბათ მხურვალე მზეში:  
ვიყავ ბედნიერ ჩემს ლენორასთან—  
ერთი დღე ტყეში! ერთი დღე ტყეში!
4. მინდოდა: ცრემლი, ზეცა... დიდება...  
და მე წვალებით ავედი მაღლა.  
დღეს სინანულად მაქვს დარიდება,  
დღეს დიდებისას ვიგრძენი დაღლა!..  
  
სად ხარ ლენორა! მარტო ვბერდები!  
გეძახი ახლა... გეძახი გვიან!..  
მე შენს ჩვენებას კვლავ ვაჩერდები  
და საოცრებას თვალეში ღვრიან!..  
  
მისმინოს ლანდმა ლოცვა ზენარი.  
ამოება თავს დამგრიგალობს...  
მოდო ლენორა! მოდი ლენორა!  
მკვდრეთით აღდგომას სული გიგალობს!..

# სამხატვრო მატრიანე

ლეონარდო — და — ვინჩი.

(გარდაიცვალა 2 მაისს 1519 წ.)

წელს 2 მაისს 400 წელიწადი შესრულდა რაც საფრანგეთში გარდაიცვალა გამოჩენილი იტალიელი ხელოვანი ლეონარდო და ვინჩი.

ლეონარდო და ვინჩი დაიბადა 1452 წელს ემპოლის ახლო ციხე-კოშკში ვინჩში. ვინაიდან მას ბავშობაშივე არაჩვეულებრივი ნიჭი აღმოაჩნდა ამისათვის მისმა მამამ ლეონარდომ გაგზავნა იგი მხატვარ ვეროკიოსთან, რომელიც იყო მისი პირველი მასწავლებელი და რომელთანაც დარჩა სანამ ოცი წელიწადი შეუსრულდა. უმთავრესი ნაწილი თავისი ცხოვრებისა მან გაატარა ფლორენციაში, მილანში და რომში. 1516 წელში ფრანცისკ I-მა მიიწვია იგი საფრანგეთში, სადაც ამბუაზის ახლო იგი კლუში გარდაიცვალა. ლეონარდო და ვინჩი მიქელ ანჯელოსთან და რაფაელთან ერთად ერთი უმთავრესი წარმომადგენელთაგანი იყო მე XV საუკუნის დამლევის და მე-XVI საუკუნის დასაწყისის იტალიის ხელოვნების ანუ აღორძინების ხანისა. ლეონარდო და ვინჩი, რომელიც შემოქმედების მხრივ მხატვრობაში არაფრით ჩამოუვარდებოდა მიქელ ანჯელოს და რაფაელს, ამავე დროს იყო ნიჭიერი მოქანდაკე, მუსიკოსი, ხუროთმოძღვარი და თავისი დროის ინჟინერიც. გარდა ამისი მისი ხელთნაწერები, რომელთა გარჩევა დღესაც სწარმოებს, გვიმტკიცებენ რომ ის ყოფილა ცნობილი მათემატიკოსი, ბუნების-მეტყველი და ფილოსოფოსი, მაგრამ ამ ყოველმხრივ, ასე ვსთქვათ, ზღვა ცოდნასთან შედარებით ძლიერ გაიზარდა და მედიდურათ და ურყევათ ვით კლდე დგას დიდება მის სამხატვრო გენიოსობაზე. 400 წელიწადი გავიდა მის გარდაცვალებიდან და მიუხედავად იმისა რომ ლეონარდოს საუკეთესო ქმნილებებს სამწუხარო ბედი ხვდა, მაგრამ მაინც ის ნაწარმოებები, რომელნიც დღემდის შეინახა, მოწმობენ, რომ შესაძლებელია არავინ ყოფილა ისე, როგორც ის, დასაჩუქრებული უმწვერვალეს ხარისხამდე მისულ გრძნობით, ჰარმონიით, გამომეტყველების ნიჭით და გრაციით.

„რათა შეესწავლა გრძნობათა და ვნებათა გამომეტყველებანი, ლეონარდო დადიოდა ადგილებში, სადაც მრავლათ იყო ხალხი, სადაც დულდა ადამიანთა მოღვაწეობა და წიგნაკში შექჷონდა ყოველივე, რაც მას ხვდებოდა. სასჯელის ადგილამდის მიჰყვებოდა იგი ტუსალებს რათა მას წვალებათა და უკიდურეს სასოწარკეთილებათა გამომეტყველება ჩაებეჭდა. ის თავის სახლში იწვევდა გლეხებს და უამბობდა მათ სასაცილო რამეებს, რათა შეესწავლა მათი სახის კომიკური გამომეტყველება“ (Винчи—В. Чуйко. Энцикл. Слов. Брокгауз и Эфрон. Кн. 12. стр. 512, изд. 1892 г.)

ასეთ დაკვირვებათა შედეგებათ ლეონარდო და ვინჩიმ ხელოვნებას საუკუნოთ მისცა თავისი ცნობილი სურათები: „სერობა“, „მონალიზა ჯიოკონდა“ და მრავალი სხვა. ეს ზოგიერთ ნახევრათ თითქმის გაფუჭებული სურათები, რომელმაც ჩვენ დრომდის მოაღწია, მაინც ლეონარდო და ვინჩის ნიჭის დიდ სიძლიერეს იძლევიან. აი რას ამბობს ცნობილი მეცნიერი ბაიე ლეონარდო და ვინჩის ცნობილ სურათის „სერობა“-ს შესახებ: „მისი ნახევრათ გაფუჭებული, რამოდენიმეჯერ განახლებული „სერობა“ თავის აწმყო სანახაობით გვაძლევს მხოლოდ სუსტ წარმოდგენას იმის შესახებ, თუ რა იყო იგი დასაწყისში, მიუხედავად ამისა რამდენი სიღრმე და გარმონიაა

ამ უძლიერეს კომპოზიციაში, რამდენი სხვადასხვანაირობაა მასში წარმოდგენილ მოტიქულთა ფიგურათა ექსპრესიაში“. (იხ. ბაიეს „Очерк истории искусств“ გვ. 151). ავიღოთ მისი სურათი „მონა-ლიზა“, ყველასათვის „ჯიოკონდა“-თ ცნობილი, რომელმაც მის გატაცების გამო ლუფრიდან ამ რამდენიმე წლის წინათ დიდი აურზაური გამოიწვია მთელ მსოფლიოში.

„რამდენიც რომ არ სწერონ მონა ლიზაზე, რამდენიც არ ჩასწვდენ პსიქოლოგიურ ანალიზის წვრილმანებში, მის გამცინავ გამომეტყველების საიდუმლოება სამუდამოთ დარჩება გამოუცნობელი“ — ამბობს ს. ისაკოვი (იხ. მისი „Въчное в искусствѣ“ გვ. 8). ლეონარდო და ვინჩის გავლენა დიდი იყო. მას მთელი გროვა წამბაძველებისა გამოუჩინდა. თვით რაფაელმა განიცადა ეს გავლენა ჯერ კიდევ ახალგაზდა წლებში. მილანში ლეონარდოს ირგვლივ შეიქმნა ნამდვილი ლომბარდიის სკოლა, რომელიც რელიგიოზურ ცხოვრების სიუჟეტებს ანსახიერებდა. ამ სკოლამ მხოლოდ რამოდენიმეთ შეინარჩუნა ამ დიდებულ მოხელის ზოგიერთი თვისებანი.

ლეონარდოს ნამდვილ სურათთა შორის, როგორც ამას თვით გამოჩენილი ხელოვანები სცნობენ, უნდა ჩაითვალოს შემდეგი სურათები: „სერობა“ (მილანში), „ღვთის მშობელი და წმ. ანა“, „იოანე ნათლისმცემელი“, „ჯიოკონდა“, „ბაქუსი“, „Vierge aux rochers“, „ლუკრეცია კრაველლის პორტრეტი“ (ლუვერში); „Vierge à la carafe“ (ვატიკანში), „მედუზას თავი“, „მოგვების თაყვანისცემა“ (უფიციაში), „მადონა ბავშვით“ (ვაპრი ვილლა მელცში), „მადონა ლიტ“, „წმ. ოჯახი“ და „ქალის პორტრეტი“ (აღბათ ლუკრეცია კრეველის, ერმიტაჟში) და აგრეთვე სხვა მრავალი წვრილი ნახაზობანი, რომელნიც მილანში ინახება ამბროზიოს წიგნთსაცავში.

სრული 400 წლის წინათ 1519 წელს მაისში ლეონარდოს სული განშორდა მის სხეულს, მაგრამ ლეონარდო არ მომკვდარა და არასოდეს მოკვდება. ის სცოცხლობს და იცოცხლებს ყოველ ადამიანში, ვისაც უნახავს მისი დიდებული ნაწარმოებები და რანაირათაც რომ არ მიმდინარეობდეს მხატვრობის ისტორია, ლეონარდოს შიგ ყოველთვის ერთი გამოჩენილი ადგილი ექირება.

6. თუშანიშვილი.

† დათიკო ლეჟავა.

1919 წ.

9 აპრილს დამის 12 საათ. თვის ბინასთან, გრიბოედოვის ქუჩაზე ბოროტგამზრახველებმა მოჰკლეს ახალგაზრდა მომღერალი დათიკო ლეჟავა. დათიკო სამაგალითო ამხანაგი და მეგობარი იყო კერძო ცხოვრებაში; იგი წელს ათავებდა კონსერვატორიის სიმღერის კლასს; როგორც საუკეთესო მომღერალი არაჩვეულებრივი სიმძლავრის და ტემპრის სილამაზის მქონე ბანი.

ქართული საზოგადოება მას იცნობდა — იგი ხშირათ გამოდიოდა ქართულ კლუბში და კიდევ სხვა საკონცერტო ესტრადებზე, სადაც ასრულებდა თავის ნათარგმნ იტალიურ საოპერო სიმღერებს. კონსერვატორიაში მოწაფეების კონცერტებზე მისი სიმღერა იპყრობდა საერთო ყურადღებას...

მაისში იგი პირველათ უნდა გამოსულიყო სცენაზე საოპერო კლასის დამზადებულ ოპერა „რიგოლეტო“-ში სპარაფუჩილის პარტიაში...

ქართულ საოპერო ხელოვნებას მოაკლდა საუკეთესო მომავალი მომღერალი.

## ქუთაისის სამხატვრო საზოგადოება.

ქართულ პლასტიკურ ხელოვნებას (მხატვრობას, ქანდაკებას და ხუროთმოძღვრებას) ჩვენმა წარსულმა დაუძლეველი დაბრკოლებანი დაუყენა წინ და მისი მსვლელობა დიდი ხნით შეაჩერა. წარმოიშვა ხელოვნებისათვის ერთნაირი მკვდარი მანძილი. შესწყდა ხელოვნებითი შემოქმედება, წარსული ხელოვნების ნაშთებიც დავიწყებას მივცა და ქართველობამაც დაჰპარგა მხატვრული ნაწარმოების სიყვარული და განცდის უნარი.

დღეს ეს ხანა თავის დასასრულს უახლოვდება. სამოქმედო ასპარეზზე გამოდიან ახალი მხატვრული ძალები და საფუძველი ეყრება ქართულ ხელოვნების აღორძინებას. ხელოვნების ზრდა-განვითარება განსაკუთრებულ პირობების არსებობას მოითხოვს. საჭიროა სამხატვრო სასწავლებლები, სტუდიები, გამოფენები; საჭიროა ხალხის ხელოვნებითი მოთხოვნილების გამოღვიძება. ქართული თეატრი, წიგნის-გამომცემლობა, ხელოსნობა, ქალაქთმშენებლობა, მრეწველობა; მთავრობა თუ თვითმართველობა, — ყველა ღრმად დაინტერესებულია ხელოვნების განვითარებით. მაგრამ ეს ინტერესი ჯერ მთვლემარე ძალას წარმოადგენს და ბევრი უკლია, სანამ შეგნებად და მოთხოვნილებად გადაიქცეოდეს. მეორე მხრით არც მხატვრული ძალებია ამჟამად საკმაოდ განვითარებული, რომ უფრო დიდი მოთხოვნილების დაკმაყოფილება შეეძლოს.

მხატვრულ ძალების ნაკლებობა და მხატვრულ მოთხოვნილების განუვითარებლობა, — ეს ორი მომენტი ახასიათებს ჩვენი ხელოვნების დღევანდელ მდგომარეობას. აუცილებელია ორივე მიმართულებით მუშაობის გაჩაღება.

ცხადია, რომ ასეთი მუშაობა შეიძლება მხოლოდ ძალთა შეკრება-შეკავშირებით. პირველ მაგალითს ასეთის შეკავშირებისას წარმოადგენს ქართველ ხელოვანთა საზოგადოება, რომელიც ამ სამი წლის წინათ თფილისში დაარსდა.

ქუთაისი თფილისთან შედარებით ჩამორჩენილია. მით უფრო საჭიროა აქაც ასეთი საზოგადოების არსებობა, რადგანაც პოტენციალური მხატვრული ენერგია საკმაოდ მოიპოვება. საზოგადოების დაარსების იდეა თვით ქუთათურ მხატვართა წრეში დაიბადა. წინასწარ კრებებზე გადასწყდა შეთანხმებით ყველა უმთავრესი საკითხი. საზოგადოების დამფუძნებელი კრება, რომელიც შესდგა მიმდინარე წლის ივანობისთვის 10-ს რაიმე განსაკუთრებით ყურადსაღებ მომენტებს მოკლებული იყო. კამათი არსებითად საორგანიზაციო საკითხების გარშემო ტრიალებდა. დამსწერთაგან წარმოითქვა რამდენიმე აზრი, რომელნიც კრებამ მისაღებად სცნო და მათი განხორციელება საზოგადოების საბჭოს მიანდო. საბჭო თერთმეტი წევრისაგან შესდგება. თავმჯდომარედ არჩეულია ჩვენი ცნობილი ბელეტრისტი დავით კლდიაშვილი. თუ რამდენად ნაყოფიერი იქნება საზოგადოების მოქმედება, ამას მომავალი გვიჩვენებს. საზოგადოების მიმდინარე საქმეთაგან აღსანიშნავია სამხატვრო სტუდიის დაარსება, რომელიც გაიხსნა ივნისის 24-ს და ღროვებით მოთავსებული იყო რეალურ სასწავლებელში.

მ. შავარდნაძე.



### შიო არაგვისპირელის იუბილე.

რადაც უცნაურობით, ახალ საქართველოში, ყველაზე ნაკლები დაფასება ერგო ქართველ მწერალს, იქ სადაც ეს დამსახურებული იყო, პირიქით მომხდარიყო. ეს მიზეზები გამოდიან პარტიულ მამუტებიდან თუ დაუდევრობიდან, ჩვენთვის მეტად სამწუხაროა.

ამ გარემოებით ძლიერ დაჩრდილულად ჩატარდა წარსულ თვეებში გადახდილი შიო არაგვისპირელის იუბილე.

საზეიმო დღეს, საცა უნდა თქმულიყო საზოგადოებისაგან წრფელი სამადლობელი სიტყვა ბელეტრისტის მისამართზე, — ჩვენ ვნახეთ უმართლო დუმილი...

საზოგადოებაზე უფრო გაცილებით დამნაშავეა მწერალთა კავშირი, დღესასწაულის ჯგეროვანად მოუწყობლობის გამო.

აქ მთავრობასაც ეკუთვნის მათრახები.

მეტი თავაზიანობა და პატივისცემა საჭირო მათ წინაშე, რომელნიც ათრთოლებულ ხელით ანთებდენ აღრევე სამშობლოს მღვრია ცაზე დღევანდელ ვარსკვლავებს.

### 3. ბარნოვის იუბილე.

9 გიორგობისთვის შესდგება დამსახურებულ მწერლის ვ. ბარნოვის 30 წლის იუბილე. ვ. ბარნოვი ჩვენს მწერლობაში მართლაც იშვიათი პიროვნებაა, რომელიც უხვად დაესესხა საქართველოს მატთანეს.

დღეს უსათუოდ ყოველი ჩვენთაგანი საოცრად ჰგრძნობს ქართულ რომანის მოთხოვნილებას; არის წყურვილი ნახო თავის თავი ნაცნობ მარმარილოში ასხეულებული; მაგრამ ხელმარჯვე ოსტატებმა დაიგვიანეს...

გახურებულ ლოდინში წარსულის სარკით გამოდის ვ. ბარნოვი.

მის ნაწერებში არის უკან მიხედვა, წინაპრებისკენ და ძვირფას ჯაჭვით გადაბმა ახალთან, თავისებურ, თუმცა მძიმე მანერით.

საჭიროა დღესასწაულს წინ უსწრებდეს ბარნოვის რამოდენიმე თხზულების გამოცემა, რომელიც დაახლოებს მანძილს მწერალსა და საზოგადოებას შორის.

ვ. ბარნოვი ისეთი დიდი მწერალია, რომ მისი იუბილე უნდა განმეორდეს მთელს საქართველოში!



## შემომწერველთა სია:

- 300 მ. ი. მოშიაშვილი.  
250 მ. კ. გელაზარიშვილი.  
200 მ. ს. ბათმანიშვილი.  
100 მ. მ. აბდალაძე.  
60 მ. დ. აკოფაშვილი.  
50 მ. ი. დათებაშვილი, გ. ალიბეგოვი, დ. ქებაძე, ბაგრატიონი, მელია.  
25 მ. X, თ. გრიგოლია, შ. ხითაროვი, ვ. ბალანჩივაძე, მ. ლლონტი.  
20 მ. ა. ნემსაძე, ა. და ე. თუმანიშვილები.  
15 მ. ლ. ქუთათელაძე, გრ. ცხადაძე.  
10 მ. ნ. თუმანიშვილი, სტ. აკოფაშვილი, \*\*, ამ. კვირიკაძე, ა. ნიკოლეიშვილი, მ. პ. კოსტანოვისა. ი. ბეთანელი, დ. სადრაძე, გ. მიქელაძე, ა. ჭუმბურიძე, ე. გალდავაძე, დ. ფეიქრიშვილი, მ. აგიაშვილი, ვ. ფუთურიძე, ა. იშხნელისა, კ. ქუთათელაძე, ს. №,  
5 მ. თ. ფანჯავიძის ასული, ვ. გორგიძის ასული, ელიგუდა, ს. ჯაყელი, ტ. ჯაყელის ასული, ნიკოლაევა და ვართანოვი, ნ. იაკობიშვილი, გრ. აბაშიძე, ნ. მიქელაძე, ბ. მჭედლოძის ქალი, ა. ერიქოვი, დ. კეყერაძე, ნ. დუმბაძე, დ. გრიგორაშვილი, ვ. ა., ე. ბალანჩივაძე, მ. ქუთათელაძე, ზ. ხარაძე.  
3 მ. ე. თვალაძე.

32

ს. უ. ლ. 1618 მანეთი. რედაქცია შემომწერველთ მადლობას უხდის.

რედაქცია მადლობას უხდის აგრეთვე მოქალაქე ისიდორე კვიცარიძეს, რომელმაც კანტორა „იმერეთში“ უპროცენტოთ გაჰყიდა რამოდენიმე ასი ნომერი ჟურნალ „თეატრი და მუსიკა“-სი.

---

ქურნალი დაიბეჭდა ქართულთა შორის წერა კითხვის გამავრცელებელ საზოგადოების სფარზში ქუთაისში.

ქურნალს აწყობდა ერშალთ მეგონიშვილი.

კლიშეები დაიბეჭდებოდა სოცდემონიანის და სიუცრიანის ლიცეუმების თვლიისში.

---

რედაქტორ-გამომცემელი სოსო ასლანიშვილი

რედაქციის მისამართი: ქუთაისი, კათოლიკეების ქ. № 44.